


www.BibleForChildren.org

Mateo 26




Isnan sisya'y
chaan nan enem
ayakhew esa pay
wad-ay nan Piyasta ay
Paskua, inmey si Jesus
id Betania ay ilin Lazaro
ay finangona isnan etey.
Si akhes Maria, inmala
is pagkatlon si esa'y kilo
ay kanginaan ay nafanglofanglo ay
telen ay lana ay makwani en nardo,
ya inlanana is kasikin Jesus, sa na't
pinnonasan isnan fookna. Ya napno
nan afong isnan fanglona.




Sa et inmey isnan aap-apon si
papachi si Judas Iscariote ay
esang isnan sinpoo ya chwa'y
disipolos Jesus, ta en na
itiktik si Jesus ken chaicha.
Osto'y chinnges cha nan
kinwanina nenlal-ayad cha,
sa cha't inkali ken
siya nan siping.
Siya chi ya ke na't
inyan-anap nan
ikkana ay
mangitiktik
ken Jesus.



Inangnen nan cheycha'y
disipolosna nan am-in ay infilin
Jesus, ya insakhanacha nan
manganancha isnan am-among ay
Paskua. Issan cha cha manganan,
inalan Jesus nan tinapay sa et
nenyaman ken Apo Dios ya pinetpet
-angna. Sa na't inchowa isnan
disipolosna ay nangwanin,
"Nay, alaenyo na
ta kanenyo. Siya
na nan awakko."



Inalana akhes nan matatasa ay
fayas, ya nenyaman. Sa na't
inchowa ken chaicha'y nangwanin,
"Nay, ominom kayo am-in isna.
Tay siya na nan chalak ay mangaeb
isnan tolaga Apo Dios, ay omayos
pala isnan angsan ay takho ta
mapakawan nan fasol."



"Simon, Simon, chengngem! Chey, chinawat et
Satanas nan olasna ay manep tepeng ken chakayo
isnan likhat, ay kag cha mangakhaag ken chakayo.
Ngem inolol-owalowak sik-a, Simon, ta ad-i makaan
nan pammattim. Ya sa et mo kasin ka somakhong
ken sak-en, at isoblatmo akhes
ay mangipafikas
isnan ib-am."



Kinwanin Pedro, "Apo, ensasakhana ak ay maitapi ken sik-a olay is kafabfallochan paymo isnan etey."


"Pedro, kanak ken sik-a ay at sisya ay ad-i enkokook nan kawitan is talan-o ya omisaot ka is mamitlo ay mangwanin ad-im ammo sak-en."



Sa et infoweg Jesus nan
disipolosna isnan oma ay
makwanin Getsemani.
Kinwanina ken chaicha,
"Itoktokchoyo isna ta
khomegkheg-ed ak si
akit ay en menlowalo."
Inlowalona ay mangwanin,
"Ama, Ama, am-in ay ngag
sis et kafaalam. Kaanem
nan nay ay chad-ama ay
likhat ken sak-en. Nay met
achi faken nan nemnemko
mod-i ket nan nemnemmo
nan maangnen."



Adi kad inpangon Judas ischi nan sinpamoweg ay
sorchacho, ya nan tapina'y khwarchiya ay fina'an nan
aap-apon si papachi ya Fafariseo. Inmey cha
ay nanisilew, nanisilaw, nanotofay ya
namafadyok. Sa et alan nan esang
ken chaicha ya fakag isnan
faan nan katongchowan ay
pachi ya ket ay nan
kannawan ay koweng nan
chey ay faa nan nalongochan.
"Ad-o sa!" kinwanin Jesus.
Sa na't inegnan nan
koweng nan chey faa
ya inpagkhawisna.



Sa cha't tiniliw si Jesus ya inpangocha ay nangiye is
afong nan katongchowan ay pachi, ya nakhag-ayad si
Pedro ay inmon-onod. Osto
ay pinaskhechancha nan
ennidnichowancha isnan
tengan nan awwichan nan
afong, inmey et si Pedro
ay nakitoktokcho
ken chaicha.



Ket ay kinwanin
nan esa'y faan nan
katongchowan ay
pachi, ay kib-an san
chey linongochan Pedro
en, "Ad-i ngen sik-a san
inilak ay fowegna isnan
chey ay oma?" Sa et insaot
kayet Pedro. Osto'y siya chi
ya ket nenkokook nan kawitan.
Sa et finmala ya nensifesifek.



Sa cha't am-in nalogwat ay nangiye
ken Jesus is sakhang Pilato. Sa et
kinwanin Pilato, "Ay sik-a pet
tet-ewa nan Alin si Judio?"


"Osto nan kinwanim,"
inisfat Jesus. Idwani,
tay lalaychen Pilato
ay ipalofos si Jesus,
kasin et nenkali isnan
katakhotakho. Ngem

onanig cha kasifofokhaw


ay mangwanin, "Ilansam siya!
Ilansam siya is kakolos!"




Sa na't inchowa si Jesus ken
chaicha ta en mailansa is kakolos.
Inalan et nan sosorchacho si
Jesus, ya inpasakfatcha ken
siya ay nangiyey isnan kolosna
ta iyeyna isnan filig ay
makwanin Ingit si Olo. (Siya
nan kanan si Judio en Golgota.)




Ischi nan nangilansaancha ken siya
isnan kolos. Wad-ay akhes nan
chwa'y naigkhisan ken siya ay
nailansa. Nan esang is
kakannawan Jesus
ya nan esang is
kakannikhidna,
et enkhakhawa
si Jesus.



Away nget alas chosi ya ket ay namaid nan silaw nan
akhew ya finmollinget isnan am-in ay ili ischi
engkhana ay alas tris isnan misoyaw. Sa et
nenkapepeskhat ay nakhedwa nan
kortinan nan Timplo. Sa et
inpapangekhen si Jesus ay
nenngao, "Ama, nay italekko
nan leng-agko ken sik-a!"
Kinwanina chi sa et
nasokpot nan fiyagna.



Idwani, tay sedsechemna, inmey
si Jose ay iyArimatea ken
Pilato ya intotoledna ay
en nangchaw isnan
awak Jesus. Si Jose
nan esang isnan
amam-an si Judio
ya maichad-ayaw.



Siya nan esang ay manman-ed isnan
omaliyan nan en-ap-apowan Apo
Dios. Adi kad linmako si
Jose is lopot ay linen
sa na't inpagkhwab
nan awak Jesus
ya innewesana
isnan lopot.

Sa na't inpey
isnan liyang ay
sikhod ay
inpakaongna is
kacheppas. Sa na't
inol-olin nan fato
ay inyenebna ischi.



Issan kawaksana ay
Sabfacho, naamong
nan aap-apon si
papachi ya nan
Fafariseo is
kasakhang Pilato.



Sa cha't kinwanin, "Apo,
sesemkenmi tew-a nan
kinwanin san chey
kakas-okas-on issan
matatakhawana ay
nangwanin, 'Kakwasan
nan tolo'y akhew,
at kasi ak
fomangon.'"



"Siya chi sa cha't inmey
ya inseinsetcha'y
minatonan nan fato ay
naiyeneb, sa cha't
inpatokkhong
isnan cheycha'y
khwarchiya."



Nakwas nan Sabfacho ay tengawcha,
et osto'y nawiiwiit inmey cha
Maria Magdalena ya nan
teken ay Maria, ay en
nangila isnan naikaofan
Jesus. Faagna ya
ket nenyekha is
chad-ama, tay ya
ket pinmanad nan
esa'y

anghel nan Apo
ay nalpo id chaya
ay en nang-alin
isnan chey fato
ay naitangeb isnan
naikaofana sa na't
tinokchowan.



Nan cheycha'y khwarchiya,
et nentayenten cha isnan
egyatcha issan
nangil-ancha ken siya,
ya ket kag natey
nan ilacha.



Sa et nenkali san anghel issan
cheycha'y fabfafai, "Ad-i kayo
omegyat. Ammok ay
an-anapenyo si Jesus ay
naikolos," kinwanina.

"Ngem maid met
isna, tay finmangon
kasin ay kag met
laeng issan

kinwanina. Ali kayo
ta ilaenyo nan
naisaachana."



Kinamo cha ay kinmaan, et olay mo
naegyatan cha, khechangna ay
nenlal-ayad cha. Sa cha't
nentatagtag ay en nangipaammo
isnan disipolosna. Faagna ya ket
wad-ay si Jesus ay nanab-at ya
nenkali ken chaicha ay
nangwanin, "Oompa kayo."

Ala
cha't
ya

payaket isnan sikina
ay nanad-ayaw ken siya.





Awni pay ya ket ay nenpaila si Jesus isnan sinpoo ya
esang ay disipolosna issan mangmanganancha.
Yinangyangana chaicha tay maid pammaticha ya
enkenteg nan olocha, tay ad-icha patiyen nan
cheycha'y nangila ken siya kakwasan nan
finmangonana. Kakwasan nan nanot-oyyan Apo
Jesus isnan cheycha'y fob-owegna, ket ay
naala ay naipalamag id chaya, ya tinmokcho
is kakannawan Apo Dios.



Tay chachama nan layad Apo Dios
isnan takho isnan lofong, inchawchawna
nan es-esang ay Anakna, ta olay sino
ay mamati ken siya, et ad-i
madchongaw mod-i ket wad-ay
fiyagna is eng-engkhana.



Roma 3:23 Tay fomafasol nan am-in ay takho, ya maid paat kaidchayawancha ken Apo Dios.

Roma 6:23 Tay nan sofalit nan fasol et siya nan etey, nay met achi nan ilayad Apo Dios et fiyag ay maid pengpengna ken chatako ay maiyornos ken Jesu Cristo ay Apo tako.

Hebreo 9:27 Nakedchengan nan takho ay matey is mamingsan yangkhay, sa et maokom ken Apo Dios.

Efeso 2:8,9 Tay isnan fachang Apo Dios naisalakan kayo maichalan isnan pammatiyo, ya faken chomalat isnan inangnenyo, mod-i ket siya na nan inlayad Apo Dios ken chakayo. Adi kad maid khotok si chomayewan nan olay sino, tay nan maisalakan tako et faken maigkhapo isnan khawis ay inangnen tako.



Roma 10:9,10 "Maisalakan ka mo papatiyem ay si Apo Dios et finangona si Jesus isnan etey, ya sam et ifaag ay si Jesus nan Apom." Tay nan takho ay tet-ewa nan pammatina, infilang et Apo Dios siya ay nalenteg. Ya nan takho ay mangifaag isnan pammatina, siya nan maisalakan.

Juan 3:16,17 Tay chachama nan layad Apo Dios isnan takho isnan lofong, inchawchawna nan es-esang ay Anakna, ta olay sino ay mamati ken siya, et ad-i madchongaw mod-i ket wad-ay fiyagna is eng-engkhana. Tay egay finaanan Apo Dios nan Anakna isnan lofong ta okomena ay manosa isnan takho, mod-i ket ta isalakana chaicha.



1 Juan 5:11-13 Naay nan infakhan Apo Dios: Inchowana ken chatako nan fiyag ay maid pengpengna, ya nan poon nan nay ay fiyag et nan Anakna. Adi kad mo sino nan maiyoornos isnan Anak Apo Dios, wad-ay ken siya nan fiyag ay maid pengpengna. Ngem nan maid ornosna isnan Anak Apo Dios, maid ken siya nan fiyag ay eng-engkhana.

Isolatko chana ken chakayo ay mamati isnan Anak Apo Dios, ta ad-i kayo kasin enchwadchwa ay wad-ay ken chakayo nan fiyag ay maid pengpengna.



Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Bontok, Central Bible (lbk) © 1992, Wycliffe Bible
Translators, Inc. All rights reserved.

<https://www.bible.com/bible/1157/MAT.1>

©2026 Bible for Children, Inc.

www.M1914.org

www.bibleforchildren.org

